

## **Конда́к 1**

Избра́нной от все́х родо́в Засту́пнице ро́да христиа́нского, по-  
кро́вом Своея́ бла́гости покрыва́ющей страну́ на́шу правосла́вную,  
благодáрственная пéния прино́сим Тí, Богоро́дице, о явлéнии чу́д-  
ныя Твоея́ ико́ны. Ты́ же, я́ко Всеми́лостивая, все́х притека́ющих к  
Тебе́ Помо́щнице, заступáй нас во все́х ско́рбех и ну́ждах, беда́х и  
напа́стех, да зове́м Тí:

Ра́дуйся, Засту́пнице усер́дная ро́да христиа́нского.

## **И́кос 1**

А́нгел предста́тель по́слан бы́сть ре́щи Богоро́дице «Ра́дуйся»,  
егда́ Бо́г Сло́во воплоща́шеся во утробе́ Ея́: и мы́, грéшнии, прослав-  
ляюще явлéние чу́дныя Ея́ ико́ны и Божéственного Младéнца Спа́-  
са Христá, со уми́лением вопи́ем Благодáтней:

Ра́дуйся, Богоизбра́нная Отрокови́це; ра́дуйся, Ма́ти Бо́жия.

Ра́дуйся, Цари́це Небесе́ и земли́; ра́дуйся, све́тлое Цéркве Не-  
бе́сныя и земны́я украше́ние.

Ра́дуйся, А́нгелы чтíмая; ра́дуйся, пева́емая от Серафíм.

Ра́дуйся, све́тлое проро́ческое сбыти́е; ра́дуйся, апо́столов по-  
хвалó.

Ра́дуйся, мученическое испове́дание; ра́дуйся, преподо́бных  
вénче.

Ра́дуйся, пра́ведных весе́лие; ра́дуйся, грéшных упова́ние.

Ра́дуйся, Засту́пнице усер́дная ро́да христиа́нского.

## **Конда́к 2**

Ви́дящи, Всенепоро́чная, с высоты́ Небе́снаго жили́ща Своего́,  
иде́же с Сы́ном Твои́м в сла́ве пребыва́еши, ско́рбь рабо́в Твои́х в  
новопросвещéнном гра́де, я́ко гнéвнаго ра́ди Бо́жия посещéния ве́-  
ра Христо́ва поругáема бывáет агáрянским злове́рием, благоволи́-  
ла еси́ яви́ти ико́ну Свою́, чудесы́ ю́ прославля́ющи, да утвер-  
жда́емии зна́меньями Твоея́ благодáти, христоро́бивии лю́дие ве́р-  
но вопи́ют Бо́гу: Аллилу́иа.

## Їкос 2

Разумѣние трикрáтнаго явлѣния Богомáтере мýдрая отрокови́ца и́щущи, течѣ ко властѣм, повѣдающи ѡм дѣвное явлѣние и грóзное прещѣние: мѡ же дивя́щеся свѣ́ше дáнному отрокови́це вразумлѣнию, благоговѣ́но вопиѣм к Прѣблагословѣ́нной:

Рáдуйся, устнáми чѣ́стыми хвалу́ Бóгови совершáющая; рáдуйся, тáйны благодáти Бóжия вѣ́рным открывáющая.

Рáдуйся, невѣ́рных сумнѣ́тельное слѣ́шание; рáдуйся, вѣ́рных извѣ́стная похвалó.

Рáдуйся, мóлние, невѣ́рных устрашáющая; рáдуйся, слáвою чудѣс Твоѣ́х вѣ́рных рáзум озаря́ющая.

Рáдуйся, агáрянскаго зловѣ́рия обличѣ́ние; рáдуйся, горды́ни их низложѣ́ние.

Рáдуйся, вѣ́ры христиáнския утверждѣ́ние; рáдуйся, почитáния святѣ́х ико́н освящѣ́ние.

Рáдуйся, скóрбь нáшу в рáдость претворя́ющая; рáдуйся, несумнѣ́нною надѣ́ждою нáс увеселя́ющая.

Рáдуйся, Засту́пнице усѣ́рдная рóда христиáнскаго.

## Кондáк 3

Сѣ́ла Вѣ́шняго благодáтию Богомáтере умудрѣ́и и укрепѣ́и отрокови́цу к искáнию многоцѣ́ннаго Бóжия дáра, и тá, с вѣ́рою дерзáющи о Гóсподе, приступѣ́и к труду́ и, скрѣ́тое в землѣ́ обрѣ́тши сокрови́ще святѣ́х ико́н Богомáтери, рáдостно возопѣ́и к Бóгу: Аллилу́иа.

## Їкос 3

Имѣ́ющи благоутрóбное промыслѣ́ние о новопросвѣ́щенных лю́дех гра́да Казáни, от пречестнѣ́х Твое́х ико́н то́ки чудѣс исто́чила есѣ́, Владѣ́чице, слепѣ́ым телѣ́сными очѣ́ма зрѣ́ние подава́ющи, омрачѣ́нных же душѣ́вно свѣ́том богопознáния и благоче́стия озаря́ющи, дѣ́вствующим под осенѣ́нием Твое́х ико́н приста́нище небу́рное дáрующи. Сего́ рáди зовѣ́м Тѣ́:

Рáдуйся, явлéнием ико́ны Твоея́ тьмú лю́тых обстоя́ний отгоня́ющая; ра́дуйся, луча́ми чуде́с все́х просвеща́ющая.

Рáдуйся, слепы́х прозрéние; ра́дуйся, омраче́нных смы́слом просвещéние.

Рáдуйся, сла́во Правосла́вия; ра́дуйся, тихое приста́нище и́щущих спасéния.

Рáдуйся, Ма́ти целому́дрия; ра́дуйся, покрóве и огражде́ние де́вства.

Рáдуйся, Ё́юже ликовству́ет все́ мно́жество ве́рных; ра́дуйся, Ея́ же ра́ди рыда́ет де́монское по́лчище.

Рáдуйся, все́х христиа́н вожде́ленная Помо́щнице; ра́дуйся, всех скорба́ющих Ра́досте.

Рáдуйся, Засту́пнице усер́дная ро́да христиа́нского.

#### **Конда́к 4**

Бу́рю смяте́ний и крамо́лы врага́ми воздви́гнутую в стране́ на́шей утоли́ти тща́сь блаже́нный Еρμοге́н, списа́тель чуде́с Твоея́, Богома́ти, ико́ны, слéзно пред не́ю моля́сь и, ви́дев, я́ко во́инству правосла́вному в щи́т и побéдное зна́мение Твоя́ ико́на дарова́ся, ве́рою укрепля́емый до конца́ живота́ своего́, вопия́ше Бо́гу: Аллилу́иа.

#### **И́кос 4**

Слы́шавше правосла́внии во́ини откровенну́ю Преподо́бным Серге́ем святы́телю Арсе́нию та́йну, я́ко предста́тельством Богома́тере су́д об Оте́честве на́шем преложе́н на ми́лость, ико́ну Богома́терню, я́ко зна́мя побéдное, при́ймше, исхити́ша ма́терь градо́в ру́сских из ру́к супоста́т и возопи́ша Засту́пнице христиа́н:

Рáдуйся, Ма́ти Бо́га Вы́шняго; ра́дуйся, я́ко за все́х мо́лиши Сы́на Твоего́, Христа́ Бо́га на́шего.

Рáдуйся, я́ко все́м твори́ши спасти́ся в держа́вный Тво́й покрóв прибега́ющим; ра́дуйся, Засту́пнице все́х су́щих в ско́рбех и болезне́х.

Рáдуйся, всём молящимся сокрушённым сёрдцем пред пречы́стым Твои́м о́бразом полéзная дáрующая; рáдуйся, избавлéние зóл всём, невозвратнó наде́жду имúщим на Тя́.

Рáдуйся, т́хое и дóброе пристáнище; рáдуйся, скóрая Помóщнице.

Рáдуйся, готóвый и тéплый покрóве спасéния; рáдуйся, источáющая нáм неоскúдныя мýлости.

Рáдуйся, предваря́ющая на пóмощь; рáдуйся, избавля́ющая от всéх бéд.

Рáдуйся, Застúпнице усérдная рóда христиáнского.

### Кондáк 5

Боготéчная звездá явй́ся Тво́я, Богомáти, ико́на, всю́ страну́ Росси́йскую обтека́ющая, лучáми чудéс Твои́х осиявáющая всéх блуждáющих по мóрю стрáстного жити́я, мрáк печáлей и мглú всяких недúг и скорбéй прогоня́ющая и наставля́ющая на пúть спасéния с вéрою к Тебé притекáющих и вопиúщих к Бóгу: Аллилу́иа.

### Ўкос 5

Видев цáрь Пётр, я́ко от святýя ико́ны Богомáтерни благодáтию Бóжиею содевáются мнóгия чудесá, приéмлет ю́ в путеводíтельницу во́инству своему́ и в дéнь брáни на свéев в щít и покрóв, и победíв до концá врагá с пóмощию Богомáтере, тём кáмень совершéнный во основáние нóваго цáрствующего грáда положí, ико́ну же Твою́ чúдную, я́ко освящéние, я́ко щít и ограждéние, в сёрдце грáда поста́ви. Сегó рáди вопиéм Пречы́стей:

Рáдуйся, жили́ще и дóме Христá Бóга нáшего; рáдуйся, вместíлище неизречéнных Егó слáвы.

Рáдуйся, грáде одушевлéнный, прíсно цáрствующий; рáдуйся, палáто преукрашéнная.

Рáдуйся, Рáдосте градóв и вéсей; рáдуйся, непобедíмое христиáн в бедáх храни́лище и предгрáдие.

Рáдуйся, Цérкве Правослáвныя похвалó; рáдуйся, Рýсской зем-

ли утверждение.

Радуйся, христолюбиваго воинства Помощнице; радуйся, врагов одоление.

Радуйся, от бед избавление; радуйся, Матерними Твоими щедротами всех посещающая.

Радуйся, Заступнице усердная рода христианского.

### Кондак 6

Предстояще пред пречистым Твоим образом архиереев словии и вси людие, монаси и мирстии, проповедуют, Госпоже Богородительнице, великия Твоя милости, яко грады ограждаеши, обители покрываеши, веси защищаеши, и, ведуще Тя воистинну Помощницу сильну и непобедиму, со слезами приносят Ти молитвы, да прострещи к Сыну Твоему Богоносныя руки за люди Твоя, во еже избавити нас от всех бед и напастей, да благодарне вопием Богу: Аллилуиа.

### Икос 6

Возсиявши просвещение истинное и отгнавши древле леств агарянскую во новопросвещенней стране Казанской, ныне во всех градах российских светиши светом чудес и милостей: притекающий бо с верою ко Твоей иконе цельбоносней скорбей избавление, недугов исцеление и радости всякия исполнения приемлют, вопиюще Тебе усердно:

Радуйся, неистощимый источник святых; радуйся, многотекущая реко Божественных благодати.

Радуйся, грешных с Богом примирение; радуйся, грехов наших очищение.

Радуйся, благочестия Наставнице; радуйся, в добрых делах утверждение и помощь.

Радуйся, добрая обеты приемлющая; радуйся, благим намерением способствующая.

Радуйся, злыя начинания разрушающая; радуйся, вражия коз-

ни расторгáющая.

Рáдуйся, скóрая челове́ком Помóщнице; рáдуйся, мýлость сугýбо нáм подаю́щая.

Рáдуйся, Застýпнице усéрдная рóда христиáнского.

### Конда́к 7

Хотя́щу наро́ду правосла́вному испове́дати мýлости Преблагослове́нныя Цари́цы Не́ба и земли́ и по си́ле благодарственная́ принести́ о избавле́нии его́ от наше́ствия иноплеме́нных, дýвному хра́му, создáнному в че́сть пречýдныя ико́ны, побéдная в да́р принесé, да всí па́мятующе мýлость Богома́тере, спáсшия гра́д сей и страну́, вýну воспева́ют Бо́гу благодарными́ усты́: Аллилу́иа.

### И́кос 7

Сто́льному гра́ду Росси́и святáя ико́на Твоя́, Богома́ти, вои́стинну яви́ся благáя Одиги́трия, я́коже дрéвле Царегра́ду: к Тебе́ бо прибега́ют лю́дие, по́мощи Твоея́ на нача́ло пути́ и де́л своих прося́ще и благодарственная́ принося́ще молéния пред пречи́стою ико́ною Твоею́ за избавле́ние от скорбе́й и напа́стей, Тебе́ Помóщницу и Застýпницу крéпкую ве́дают. Тёмже благодарственно́ вопиём Тíи:

Рáдуйся, Росси́йския страны́ покрóве; рáдуйся, Правосла́вия в ней огражде́ние и утвержде́ние.

Рáдуйся, несокруши́мый щите́ вои́нов нáших; рáдуйся, бронé их неуязви́мая.

Рáдуйся, ко́зни враго́в обличáющая; рáдуйся, я́ко паучи́ну их растерза́ющая.

Рáдуйся, нече́стия обличе́ние; рáдуйся, крамо́лы разруше́ние.

Рáдуйся, ю́ных от заблужде́ний исправле́ние; рáдуйся, ста́рцев утеше́ние.

Рáдуйся, душевре́дных уче́ний низложе́ние; рáдуйся, душеполе́зных знáний дарова́ние.

Рáдуйся, Застýпнице усéрдная рóда христиáнского.

### Конда́к 8

Странно и сумнительно неверующим слушать, како от иконы Твоея токи благодати истекают, воня животная благоухает: мы же, верующе слову, реченному Тобой, Владычице, к первоначертанной иконе: «С тобой Моя благодать и сила», уповаем, яко и с сию иконою благодать Твоя вину: темже благоговейно предстояще лобызаем ю, поклоняемся ей, яко Тебе Самей сущей, честь бо иконы на первообразное восходит, и Твоя благодать сию иконою знамения и чудеса содевает всем с верою притекающим к Тебе и вопиющим Богу: Аллилуиа.

### Икос 8

Вся бывши горю, к Небесным взята, и земных не оставляеши, Богомати, священным Твоим представтельством: имаши бо матернее дерзновение ко Христу Богу нашему. Темже утверди в мире глубоче православных житие и вся полезная всегда даруй рабам Твоим, да величающе воспеваем Ти:

Радуйся, Невместимаго вместилище; радуйся, осененная силою Вышнего.

Радуйся, прозябшая Клас Небесный; радуйся, мир весь душепагубного глады избавляшая.

Радуйся, вину ходатайствующая за род наш; радуйся, яко много может молитва Твоя пред Сыном Твоим и Богом.

Радуйся, всех нас при Кресте Сына Твоего усыновившая; радуйся, всегда Матернюю любовь к нам являющая.

Радуйся, Ходатаице вечных благ; радуйся, и во временней жизни полезная нам подающая.

Радуйся, известное прибежище наше во всех скорбных обстоятельствах; радуйся, несомненное утешение в печалех.

Радуйся, Заступнице усердная рода христианского.

### Кондак 9

Всякого естества ангельскаго превышшая явилася еси, Пресвятая Дево: Бога бо зачала еси плотию, Невместимаго всеми вместить



ла еси во утробе Твоей, на руках носила еси Носящего весь мир  
дланию: темже, яко Честнейшую Херувим и Славнейшую без  
сравнения Серафим величающе Тя, вопиём о Тебе Богу: Аллилуиа.

### Икос 9

Вития многовещанныя, яко рыбы безгласныя, видим о Тебе,  
Богородице: недоумееет бо всяк язык благохвалити Тя по достоя-  
нию, изумевает ум пети Тя, Богородице; обаче Благая сущи, прии-  
ми и от нас архангельский глас, Тебе вопиющих:

Радуйся, Благодатная; радуйся, яко Господь с Тобою.

Радуйся, Благословенная в женах; радуйся, обретшая благодать  
у Бога.

Радуйся, родившая Спасителя миру; радуйся, Мати Сына Бо-  
жия.

Радуйся, Родительнице Вечного Царя; радуйся, израстившая  
нам плод живота.

Радуйся, освященная Духом Святым; радуйся, осененная силою  
Всевышнего.

Радуйся, верная Раба Господня; радуйся, яко Тя блажат вси ро-  
ди.

Радуйся, Заступнице усердная рода христианского.

### Кондак 10

Спасти хотящи многия от находящихся зол, скорбей и болезней,  
чудную икону Твою, Богомати, даровала еси, еяже ради слепии  
прозирают, хромии ходят, разслабленнии встают, беснующиися  
исцеляются, земли плодonoсие подаётся, людие от смертоносных  
язвы избавляются, грады и домы от огня спасаются: темже про-  
славляюще Бога, дающего нам таковыя милости, вопиём Ему  
усердно: Аллилуиа.

### Икос 10



Стенá есѣ, Богорóдице, странé Россійстей, гра́дом огражде́ние  
и сла́ва, правосла́вному во́инству на врагѣ́ укрепле́ние. Тѣмже,  
благодаря́ще Тя, вопи́ем:

Ра́дуйся, прославля́ющих Тя прославля́ющая; ра́дуйся, не чту́-  
щих Тя посрамля́ющая.

Ра́дуйся, враго́в устраше́ние; ра́дуйся, от наше́ствия ино-  
племе́нных избавле́ние.

Ра́дуйся, воинов кре́посте; ра́дуйся, в днѣ́ брани забрало и  
огражде́ние.

Ра́дуйся, в днѣ́ міра живонóсный са́де, увеселя́ющий сердца́  
ве́рных; ра́дуйся, ору́жие, егóже трепещут де́мони.

Ра́дуйся, спасі́тельный елѣ́й, умаща́ющий грехо́вныя ра́ны ка-  
ющихся; ра́дуйся, тёплое на́ше упова́ние.

Ра́дуйся, несумне́нная на́ша Наде́ждо; ра́дуйся, тѣхое и до́брое  
приста́нище.

Ра́дуйся, Засту́пнице усер́дная ро́да христиа́нского.

### **Конда́к 11**

Пе́ние хвале́бное и благода́рственное прино́сят Тебе́, Влады́-  
чице, припа́дающе ко ико́не Твое́й и любе́зно лобыза́юще ю́, де́в  
ли́цы, под держа́вным покрóвом Твоѣ́м тѣхое и ми́рное ино́ческое  
жити́е провожда́ющи, и возложѣ́вше на Тя всё упова́ние, радост-  
но вопи́ют Бо́гу: Аллилу́иа.

### **И́кос 11**

Я́ко светоприе́мную свещу́, зрѣ́м Твою́ честну́ю ико́ну, Пресвя-  
та́я Влады́чице: та́ бо невеще́ственный о́гнь благода́ти Твое́я  
восприе́мши, и в подóбїих е́я но́вы возжигает светѣ́льники, при-  
ча́стны то́яжде сі́лы благода́тныя, и озаря́ет чудесы́, наставля́ющи  
на пу́ть спасе́ния все́х вопи́ющих Ти́ си́це:

Рáдуйся, Невéсто Неневéстная; рáдуйся, Богоизбрáнная Отро-  
кови́це, Мáти Дéво.

Рáдуйся, дóбрая Настáвнице непорóчнаго дéвства; рáдуйся,  
Храни́тельнице ревну́ющих о чистотé.

Рáдуйся, жéн похвалó; рáдуйся, дéв величáние.

Рáдуйся, вдóв заступлéние; рáдуйся, сирóт призрéние.

Рáдуйся, ни́щих Питáтельнице; рáдуйся, нагíх одея́ние.

Рáдуйся, печáльных утешéние; рáдуйся, скорб́ящих весéлие.

Рáдуйся, Засту́пнице усérдная рóда христиáнского.

### Конда́к 12

Благода́ть дáти восхотéвши почита́ющим Тя с любóвию, Бого-  
роди́тельнице, прису́щую Ти́ síлу благода́тную оста́вила еси́ во  
святы́х Твои́х ико́нах, íбо Божéственная благода́ть, спребывáющи  
тém (ико́нам), зна́мения и чудесá в́ину содева́ет и душе́вных и  
телéсных недúг исцелéние всém с вéрою приходя́щим подаёт Твои́-  
ми Богомáтерними непрестáнными к Бóгу молíтвами о вопи́ю-  
щих Емú: Аллилу́иа.

### И́кос 12

Пою́ще Твоя́ чудесá, б́ывшая в дрéвняя и настоя́щая временá,  
хва́лим Тя, я́ко Живонóсный Исто́чник благода́ти, я́ко неисто́щí-  
мую реку́ чудес, я́ко бéздну мýлости и щедрóт, и всё упováние по  
Бóзе возлага́юще на Тя и в сéй и в б́удущей жízни, прославля́юще  
Тя, вопи́ем:

Рáдуйся, христиáн непосты́дное упováние; рáдуйся, вёрных  
спасíтельное прибéжище.

Рáдуйся, ненаде́жных наде́яние; рáдуйся, отча́янных спасéние.

Рáдуйся, ба́не, омыва́ющая со́весть; рáдуйся, росó, оживля́ющая  
ду́ши.

Рáдуйся, болéзней врачевствó скóрое и безмéздное; рáдуйся, от всéх бéд бýстрое избавлéние.

Рáдуйся, Утéшительнице во всякой скóрби; рáдуйся, из глуби- нý погýбели спасаýщая.

Рáдуйся, отрадо в дéнь смéрти; рáдуйся, едýная Надéждо и по смéрти.

Рáдуйся, Застýпнице усéрдная рóда христиáнского.

### **Кондáк 13**

О Всепéтая Мáти, рóждшая всéх святýх Святéйшее Слóво, при- имй нýне мáлое сие молéние и, велíчия рáди блáгости Твоея и бéздно щедрóт Твоих, не помяни мнóжества грехóв нáших, но ис- пóлни во благíх прошéния нáша, подавáющи тéлу здравие, дýши спасéние, избавляýщи от всякия нýжды и печáли и Цáрствия Не- бéснаго наследники сотворяýщи всéх вéрно вопиýщих Бóгу: Ал- лилúиа.

*(Этот кондáк читается трижды)*

### **Ўкос 1**

Áнгел предстáтель пóслан бýсть рещí Богорóдице «Рáдуйся», егдá Бóг Слóво воплощáшеся во утрóбе Ея: и мы, грéшнии, прослав- ляюще явлéние чýдныя Ея икóны и Божéственного Младéнца Спá- са Христа, со умилéнием вопиéм Благодáтней:

Рáдуйся, Богоизбрáнная Отроковíце; рáдуйся, Мáти Бóжия.

Рáдуйся, Царíце Небесé и землí; рáдуйся, свéтлое Цérкве Не- бéсныя и земнýя украшéние.

Рáдуйся, Áнгелы чтíмая; рáдуйся, певáемая от Серафíм.

Рáдуйся, свéтлое прорóческое сбытиé; рáдуйся, апóстолов по- хвалó.

Рáдуйся, мýченическое исповéдание; рáдуйся, преподóбных вéнче.

Рáдуйся, прáведных весéлие; рáдуйся, грéшных упováние.

Рáдуйся, Застúпнице усéрдная рóда христиáнского.

### **Кондáк 1**

Избрáнной от всéх родóв Застúпнице рóда христиáнского, по-  
крóвом Своея блáгости покрывáющей странú нáшу правослáвную,  
благодáрственная пéния принóсим Тí, Богорóдице, о явлéнии чúд-  
ныя Твоея икóны. Ты́ же, я́ко Всеми́лостивая, всéх притека́ющих к  
Тебе́ Помóщнице, заступáй нáс во всéх скóрбех и нúждах, бедáх и  
напáстех, да зовéм Тí:

Рáдуйся, Застúпнице усéрдная рóда христиáнского.

### **Моли́тва пéрвая.**

О Пресвятáя Госпожé Влады́чице Богорóдице! Со стра́хом,  
вéрою и любóвию припада́юще пред честнóю икóною Твоею́, мо-  
лим Тя́: не отврати́ лица́ Твоегó от прибега́ющих к Тебе́, умоли́ ми-  
лосéрдая Мáти, Сы́на Твоегó и Бóга нáшего, Гóспода Иисúса Христá,  
да сохранит мíрну странú нáшу, Цérковь Свою́ Святúю да незы́б-  
лему соблюде́т от неvéрия, ересéй и раскóла. Не íмамы бо инýя  
пóмощи, не íмамы инýя наде́жды, рáзве Тебе́, Пречи́стая Дéво: Ты́  
еси́ Всеси́льная христиáн Помóщница и Застúпница. Избáви всéх с  
вéрою Тебе́ моля́щихся от падéний грехóвных, от наvéта злы́х че-  
ловéк, от всяких искушéний, скорбéй, бéd и от напрáсных смérти:  
да́руй нáм дýх сокрушéния, смире́ние сéрдца, чистотú помышлé-  
ний, исправлéние грехóвныя жízни и оставлéние прегрешéний,  
да вси́ благодарне воспева́юще вели́чия Твоя́, сподóбимся Небéс-  
наго Цáрствия и та́мо со все́ми святы́ми прослáвим Пречестнóе и  
Великолéпое Ёмя Отцá и Сы́на и Свята́го Дýха. Ами́нь.

### **Моли́тва вторáя**

О, Пресвятáя Влады́чице Богорóдице, Царíце Небеси́ и земли́,  
вы́шшая áнгел и архáнгел и всея́ твáри честнéйшая, чíстая Дéво  
Марíе, мíру благáя Помóщнице, и все́м лю́дем утвержде́ние, и во

всяких нѹждах избавлѣние! Призри и ныне, Госпожѣ Всемѣлостивая, на рабы Твоя, Тебѣ умиленною душою и сокрушеннымъ сердцемъ молящися, со слезами к Тебѣ припадающія и покланяющіяся пречѣстому и цельбоносному образу Твоему, и помощи и заступлѣния Твоего просѣющія. О, Всемѣлостивая и Премилосердая Дѣво Богородице Чѣстая! Воззри, Госпожѣ, на люди Твоя: мы бо грѣшнии не имамы инѣя помощи, разве Тебѣ и от Тебѣ рождающаго Христа Бога нашего. Ты еси заступница и предстательница наша. Ты еси обидимыхъ защищѣние, скорбящимъ радование, сирымъ прибежище, вдовамъ хранительница, дѣвамъ слава, плачущимъ весѣлие, больнымъ посещѣние, немощнымъ исцелѣние, грѣшнымъ спасѣние, Сего ради, о Богоматери, к Тебѣ прибегаемъ, и на Твой Пречѣстый образъ с Предвѣчнымъ на руку Твоею держимымъ Младенцемъ, Господемъ нашимъ Иисусомъ Христомъ взирающе, умиленное пѣние Тебѣ приносимъ и вопиѣмъ: помилуй насъ, Мати Божия, и прошѣние наше исполни, вся бо сѹтъ возможна ходатайству Твоему: яко Тебѣ слава подобаетъ ныне и присно и во вѣки вековъ. Аминь.

#### **ТРОПАРЬ, ГЛАС 4**

Заступнице усердная,/ Мати Господа Вышняго,/ за всех молиши  
Сына Твоего, Христа Бога нашего,/ и всем твориши спастися,/ в  
державный Твой покров прибегающим./ Всех нас заступи, о  
Госпоже, Царице и Владычице,/ иже в напастех, и скорбех, и в бо-  
лезнях обремененных грехи многими,/ предстоящих и молящихся  
Тебе умиленною душою/ и сокрушенным сердцем/ пред пречи-  
стым Твоим образом со слезами/ и невозвратно надежду имущих  
на Тя,/ избавления всех зол,/ всем полезная даруй/ и вся спаси,  
Богородице Дево:// Ты бо еси Божественный покров рабом Твоим.

#### **КОНДАК, ГЛАС 8**

Притецем, людие, к тихому сему и доброму пристанищу,/ ско-  
рой Помощнице, готовому и теплomu спасению, покрову Девы,/   
ускорим на молитву и потщимся на покаяние:/ источает бо нам  
неоскудные милости Пречистая Богородица,/ предваряет на  
помощь и избавляет от великих бед и зол// благонравныя и бого-  
боящияся рабы Своя.

#### **ВЕЛИЧАНИЕ**

Величаем Тя, Пресвятая Дево, Богоизбранная Отроковице, и  
чтем образ Твой святой, имже точиши исцеления всем с верою  
притекающим.